



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XIX.

urn:nbn:de:hbz:466:1-15617

quia causam conditionemque nos constabat ignorare. Iteratis scriptis edocuit &c.

CAPVT XIX.

Synopsis.

I. Gregorius magnus agnoscit auctoritatem Regum Francorum in convocationis Concilii.

II. Imperatores possidebant auctoritatem convocandi Concilia extraordinaria. Sed id non excludebat literas Metropolitanorum ad compromissoriales Episcopos, neque Patriarcharum ad Metropolitanos. Probatum ex Concilio Ephesino & Chalcedonensi.

III. Accepit literis, Metropolitanus congregabani synodos suarum provinciarum, que Legatis consensus suos dabani. Interdum Imperatores missibani literas convocatorias ad Patriarchas, qui dein synodum patriarchalem congregabant. Eò literis suis evocabant Metropolitanos. Litera Principum & Metropolitanorum non sunt dissociabiles.

IV. Idem jus obtinebat in Gallia, quandiu Conciliorum convocatio penes Reges fuit. Quid si Summus Pontifex eam curam ad se trahet? Prudentia Gregory magi landata.

V. Regum in eo auctoritas probatur ex epistola Sigeberti Regis ad Desiderium Episcopum Cadurensem; que explicatur.

VI. Hilarus Papa Leonio Arelatensi Episcopo conulit potestarem convocandi Concilium ex ariensis provincie. Symmachus Papa ultra progressus est.

VII. Vigilius Auxano Arelatensi concessit usum Pally & auctoritatem convocandi synodum omnium Episcoporum Gallicanorum. Ea legatio data precibus Regis Childeberti; in cuius quoque gratiam vicariatum suum idem Pontifex conuli Aureliano, Auxani successor. Arelas prima sanctissimarum Gallicae Ecclesiarum dicta à Justiniano.

VIII. Pelagius primus Sapundo Arelatensi non tribuit aperiè auctoritatem convocandorum Conciliorum. Legatio illa data precibus Regis Childeberti. Ex verbis Pelagi colligitur non admodum habuimus in honore Arelatenses Episcopos, tametsi Vicarii essent apostolicae sedis.

IX. Gregorius dignitatem Vicarii tribuens Virgilio Arelatensi, non evagatus est extra veteres fines.

I. **S**E D ut omnis cavillandi via iis præcludatur qui hoc Episcoporum erga Reges obsequium ab adulacione proficiunt exultimare possint, utar auctoritate Gregorii magni: qui cupiens abolere pravam conuentudinem quae in regnis Burgundiae & Austrasie invaluerat adversus canones, venditionem scilicet ordinationum, synodum haberi ea de causa jussit anno DCCIX. literis datis ad Syagrium Episcopum Augustodunensem, Ætherium Lugdunensem, Virgilium Arelatensem, & Desiderium Vienensem. Quoniam verò optimè noverat quenam in Concilio convocandis esset Principium auctoritas, heic subsistere noluit; sed eandem ob causam literas ad Reginam

Brunichildem, quæ Regum avia erat, scripsit; quibus, Excellentia ejus affectu paterno salutata, perit ut iussione regia synodum fieri constituit. Et quia Syagrio Augustodunensi Episcopo, intimo Regum amico, sollicitudinem synodi celebrandi delegaverat, Brunichildem orat ut ei commodas aures præbeat supplicant, eumque ope sua adjuvet ad extirpandum hoc malum: *Salutantes excellitiam vestram paterno affectu, petimus ut de his pravitatis emendatione Deum vobis placabilem faciatis. Et ut nulla deinceps valeat occasione committi, synodum fieri iussio regia constituit. Infrā: Curam vero & sollicitudinem ejusdem synodi, quam siendam decrevimus, fratris coepiscopique syagrio, quem vestrum proprium novimus, specialiter delegate curavimus; quem petimus ut & supplicantem libenter audire & ope juvare dignemini &c. Eandem ob causam scribens ad Reges Theodosium & Theodebertum, verbis uitius disertissimis, quæ ostendunt Summo Pontifici persuasum fuisse Regibus competere auctoritatem convocandi synodum: Qua de re ut magnum. ni potenti Dominom unius valcatis offere, synodum congregari precipite.*

Et quoniam Concilium illud, quod sanctus Gregorius iustissime expetebat, non statim convocatum fuit, literas anno sexcentesimo primo scriptis ad Virgilium Episcopum Arelatensem & Ætherium Lugdunensem, quibus eos hortatus est ut synodi convocationem urgerent. Interim ad Theodicum Regem Burgundionum scribens, illum rufus hortatur ut synodum congregari jubeat: *Iterata vos, pro vestra magna mercede, abdicatione pulsamus ut congregari synodum jubeatis. Item in epistola ad Clotarium Regem: Petimus ut pro mercede vestra congregari synodum facatis. Et ad Reginam Brunichildem: Iaque synodum congregari precipite.*

II. Posset heic aliquis suspicari quandam in iis epistolis esse contradictionem, aut saltem aliquatenus imminentem auctoritatem regiam, quod Gregorius præcipiat Metropolitanis Arelatensi, Vienensi, & Lugdunensi, & Syagrio Augustodunensi Episcopo, ut synodum congregent. Verum si ratio politia ecclesiastica quæ ipsi Imperatorum temporibus in usu erat expendatur, manifestum erit mirificam in eo capite fuisse sacerdotij & imperij concordiam, & modum agendi, quo illi uterantur, in Gallia fuisse continuatum aucto beati Gregorij. Imperatores enim, qui citra omnem controversiam possidebant auctoritatem congregandi Concilia extraordinaria, ei tamen cum modum adhibebat ut mandata eorum non exclu-

Gregor. lib. 7.
cap. 10. Indit.
2. Fratricitatem
vestram auctore
Des. volumus fit
synodum congregare.

derent literas Metropolitanorum ad Episcopos comprovinciales, neque literas Patriarcharum ad Metropolitanos, qui post præceptionem Principis, munere suo fungebantur. Nam convocatio illa non exigebat præsentiam omnium Episcoporum tanquam absolutè necessariam, sed majoris eorum partis, qui à collegis suis delegabantur; quod alij in provinciis commorari cogerentur, sive pro ecclesiastico ministerio, seu etiam ob infirmam valetudinem. Ita namque fieri consuevit colligitur ex collatione diversarum epistolarum Imperatorum & Conciliorum. Exemplo sit Concilium Ephesinum Oecumenicum tertium, quod literis Imperatoris Theodosij indictum est ad unumquemque Metropolitanum missis; quibus præcipiebatur ut Metropolitani certum Episcoporum numerum ex sua provincia adducerent, rursumque nonnullos illic relinquerent pro ministerio ecclesiastico. Sic enim nos docet epistola Theodosij ad Cyrillum Episcopum Alexandrinum: *Tua pietas--operam dabit --- ut ad Ephesiorum civitatem accurrat, nonnullosque, quos nimirum idoneos judicabit, sanctissimos provincie sue Episcopos abducat; ita ut neque necessarij sanctissimis ejusdem provincie Ecclesis defint, neque q̄ rursum qui ad eam rem apti censemintur, in sacra synodo desiderentur. De indicta autem sanctissima synodo nostra serenitas ad omnes omnino Deo dilectos Episcopos Metropolitanos literas scripsit.* Imperator Marcianus literas convocatorias Concilij Chalcedonensis misit ad Metropolitanos, jubens ut cum certo Episcoporum numero ad civitatem Nicenam accederent: *Tua sanctitas cum quibus approverit Episcapis sub suo sacerdotio constitutis --- ad memoriam Nicenam civitatem advenire festinet.*

III. Acceptis litteris, Metropolitani congregabant synodos suarum provinciarum, quæ legaris consensu suos dabant, ut colligitur ex epistola synodica Concilij CP. Oecumenici secundi, in qua patres dicunt se nullum alium ab Episcopis qui manserant in provinciis consenserunt habere quam ut Constantinopolim accedant pro celebrando Concilio, ideoque sibi liberum non esse Romam proficisci, quo eos occidentale Concilium evocabat cum literis Imperatoris: *De hoc uno Concilio celebrando consensum Episcoporum qui in provinciis manserant una nobiscum attulimus.*

Aliquando Imperatores literas suas Concilij convocatorias mittebant ad Patriarchas, ij verò dein mandata sua ad Metropolitanos, synodumque patriarchalem congregabant, in qua delegabantur cogni-

tores qui Concilio Oecumenico interesse deberent. Hunc ordinem tenuit Theodosius pro congregatione Concilij Ephesini secundi; ut discimus ex ejus epistola ad Diocorum Patriarcham Alexandrinum, cùm in eundem modum scripsisset reliquis Patriarchis: *Igitur & tua sanctitas, sumptis secum decem reverendissimis Metropolitanis Episcopis, qui sub tua degunt Diaconi, & aliis similiter decem sanctis Episcopis, --- proximis Calendis Augustis Ephesum metropolim Asie convenire abque villa dilatione festinet.*

Patriarchæ igitur Metropolitanos convocabant cum literis suis, quæ in Conciliis Africanis vocantur tractoria, ij verò Episcopos, secundum auctoritatem præceptio-
nis imperatoria. Duas illas res mirabilis solertia junxit Concilium CP. secundum Oe-
cumenicum in sua epistola synodica; ubi pa-
tres ait se à Concilio occidentali evocatos
fuisse Romam cum literis Imperatoris: *Nos
velut membra propria per Deo amantissimi Impe-
ratoris literas acceperisstis.*

Ex iis qua dicta sunt manifestè colligi-
tur literas Principum & Metropolitanorum
non esse dissociabiles, & utrariumque usum
obtinuisse in convocandis Conciliis, ita ta-
men ut literæ Patriarcharum & Metropoli-
tanorum executione mandarentur in confe-
quentiam literarum Principis.

I V. Idem mos obtinuit in Gallia, quan-
di nulla illic auctoritas fuit, præter regiam,
quæ superior esset Metropolitanis Galliarum,
quæque convocandorum Conciliorum
curam in se traheret; ut constat ex iis qua-
huc usque vidimus observata fuisse in cele-
bratione omnium synodorum. Sed quando Summus Pontifex, qui Metropolitanorum
superior est, cuíque jus competit jubendi
ut Concilium nationale habeatur, eorum
convocationem faciebat, æquum erat ut lo-
cum illic obtineret qui dignitati & aucto-
ritati ejus debebatur. Gregorius porrè mag-
nus, vir non solum ob sanctitatem mo-
rum & eruditionem clarus, sed etiam ob
prudentiam admirabilem intelligentiamque
politicæ ecclesiasticæ, eo temperamento
usus est quod adhiberi conveniebat ad con-
servanda jura sedis apostolicae & Principum.
Recentens quippe abusus qui in Gallia in-
valuerant adversus Canones, jubet ut Con-
cilium ea de causa habeatur intra Gallias,
cujus convocandi sollicitudinem delegat
Metropolitanis. Sed eodem tempore cupit
& postulat ut Rex utatur suo jure, nimirum
ut is auctoritate sua synodum haberi præci-
piat, literis ad Metropolitanos missis, vel
etiam ad singulos Episcopos, si Regita vi-
sum fuerit expedire. Metropolitani verò,

Hh. iii

Epiſt. Theodosij
ad Diocorum
Act. 1. Concil.
Chald.

post regiam præceptionem , congregare debebant suas synodos pro celebratione Concilij , mentione insuper facta pontificia permissionis. Sed in primis observandum est delegationem illam sancti Gregorij non debuisse mandari executioni , secundum quod ipse præceperat , donec regia iusso accederet ob eandem causam. Quare Concilium illud quod Summus Pontifex constituerat , habitum non fuit , tametsi ille id vehementer urgeret , quoniam Reges ejus congregationem non præceperunt. Affirmare itaque licet concursum auctoritatis pontificiae firmasse potestatem Metropolitanorum pro congregatione Conciliorum in ordine ecclesiastico , sed non violasse jus regium , quod versatur in politia exteriori & in protectione Ecclesie , præsertim cum congregatio ita fieret auctoritate Summi Pontificis ut necessaria esset regia iusso. Contrà verò consensu Pontificis non erat necessarius quando synodus congregabatur auctoritate Principis.

V. Ceterum ut concludam hoc caput , & ut præterea testatior fiat auctoritas Regum in convocandis Conciliis , addam hoc loco epistolam Sigeberti Regis Australiorum scriptam circa annum sexcentesimum quinquagesimum ad Desiderium Episcopum Cadurensem : in qua ei significat relatum sibi fuisse Wlfoleudum Episcopum evocasse comprovinciales Episcopos ad Concilium in regno habendum , sed nullam ejuscemodi consilio mentionem fecisse apud Regem. Cupere se quidem , exemplo Regum decessorum suorum , observare canones ecclesiasticos ; attamen ex procerum suorum consilio statuisse tolerandum non esse ut Episcopi sibi subjecti Concilium ullum in regno celebrent , quin prius ipse admonetur. Quod si ostendatur regia maiestati congregationem illam utilem futuram , sive pro statu ecclesiastico , sive etiam pro regni utilitate , non denegaturum confessionem suam. Quapropter Desiderio suadet ne ad synodum illam accedat. Desiderius autem , cum Cadurcorum antistes esset , non pertinebat ad regnum Sigeberti ; licet inter intimos esset ejus Principis , ut constat ex alia ejusdem Regis ad ipsum epistola. Wlfoleodus verò , qui provincia sua Episcopos convocaverat , Biturigum antistes erat , quorum metropoli contributa erat Divona Cadurcorum , & ad regnum Burgundiæ spectabat , cuius Rex tunc erat Clodoveus secundus. Istius autem Vlfoledi Episcopi Ecclesiæ Bituricensis subscriptio deprehenditur in Concilio Cabilonensi quod anno p.c.l. Rex Clodoveus congregavit. Insolens

videri posset hujus Metropoli litani præsumpto ; qui Episcopos suffraganeos suos extra provinciam suam evocavit synodali conveniū interfuturos , nisi ratio habeatur canonum apostolicorum , Constantopolitanorum , & Antiochenorum , qui permittrunt Episcopis unius provinciæ ad aliam transire , si litteris Metropolitani , qui eorum ope indigent , evocentur. Ex quibus id conficitur , Episcopum Bituricensem ab Episcopis regni Australiorum rogatum esse ut ad quandam civitatem conveniret , in qua synodus major haberi posset , existimantes ita licere fieri secundum Canones. Verum jam observavimus communicationem illam Episcoporum fuisse interruptam ob divisionem regnum , cui præterea locus non erat , sicut nec celebrationi Concilij nationalis unius regni , nisi iusso regia præcessisset. Vtriusque horum capitum probatio extat in epistola Sigeberti. Tametsi , eo casu , prohibito unius ab alio pendeat ; id est , si Concilium Episcoporum unius regni haberri non possit , sequitur Episcopos alterius regni ad illud convenire non posse. Hæc sunt verba Sigeberti :

Licet nos statuta Canonum & ecclesiasticas regulas , sicut parentes nostri in Dei nomen conservarunt , ita & nos conservare optamus , stamnum ad nostram antea notitiam non fuit perlatum , sic nobis cum nostris proceribus convenit , ut sine nostra scientia synodale Concilium in regno nostro non agatur , nec ad dictas Kal. Septembres nulla conjunctio Sacerdotum , ex his qui ad nostram ditionem pertinere noscuntur , non fiat. Postea verò opportuno tempore , si nobis antea denuntiatur , utrum pro statu ecclesiastico , sive etiam pro qualibet rationabilis conditione , conventio esse decreverit , non abnuimus ; sic tamen , ut diximus , ut in nostri prius deferatur cognitionem.

VI. Potestas illa convocandorum in Gallia Conciliorum , qua Summi Pontifices fruebantur , exigit ut paulo altius scrutemur eam quam pro eadem causa communica- bant cum Episcopis Arelatensis. Hilarius Papa , providens dissipationem Galliarum , earundemque in diversa regna sectionem , obstitutas communicationi Episcoporum inter se , Leontio Arelatensi Episcopo con- tulerat facultatem convocandi Concilia hu- juscemodi ex totidem provinciis quot pos- set , ut supra vidimus. Eam Cæsario Arelatensi continuavit Symmachus anno quin- gentesimo decimo quarto ; cui præcepit in- vigilare rebus omnibus qua ad religionem- spectant , non solum in provinciis Galliarum , sed etiam in Hispaniensibus ; quoniam ea tempestate provincia Arelatensis , tametsi esset intra Gallias , imperio parebat Regis.

Italiae Theodorici, penes quem erat administratio regni Visigothorum in Hispania. Sed postquam civitas Arelatensis in jus Francorum cessit, Vigilius Papa aut ejus successores nullam Arelatensisibus Episcopis sollicitudinem in Hispanias attribuerunt. Verum Symmachus non eo loci substitit ut generalem tantum religionis curam Cæsario committeret, sed infuper ei auctoritatem tribuit convocandi Concilium Episcoporum, si religio ita posceret, ut in eo controveriae finirentur. Quod si tale negotium emergerit quod illic difficile fuerit terminari, ad sedem apostolicam referatur ab Episcopo Arelatensi. Quoad Episcopos vero ex regionibus Galliarum & Hispaniarum, jubet ut iij qui Romam proficiunt voluerint, litteras Cæsarij secum deferant; ut Summus Pontifex agnoscat quæ sit eorum dignitas, & utrum eius communionem suam impetrari debeat: *Decernimus ut circa ea quæ tam in Gallie quam in Hispania provinciis de causa religionis emergerint solertia tue fraternitatis invigilet. Et si ratio poposcerit presentiam Sacerdotum, servata confuetudine unusquisque tue dilectionis admonitus auctoritate conveniat. Et si Dei adjutorio controversia incidens amputari potuerit, ipsius hoc meritis applicemus. Alioquin existentis negotii qualitas ad sedem apostolicam re ferente perveniat.* Infrà: *Si quis de Galliana vel Hispania regionibus ecclesiastici ordinis atque officij ad nos venire compulsus fuerit, cum fraternitatis tue notitia iter peregrinationis arripiatur; ut nec honor ejus, per ignorantiam, aliquam contumeliam patiatur, & ambiguitate de pulsa, à nobis animo seculo in communionis gratiam possit admitti.*

VII. Anno DXLV. Vigilius Papa vicariatum suum per Gallias concessit Auxani Episcopo Arelatensi, concessio etiam usu Pallij. Tribuit autem ei potestatem convocandi synodus omnium Episcoporum Gallicanorum; quos adesse jubet sub pena suspensionis, quam synodus adversus eos decernet nisi justam excusationem adferant. Eo tamen casu tenentur mittere vice sua Presbyterum aliquem, aut Diaconum, qui eis nuntiet quæ decreta fuerint in illa synodo: *Et quia necesse est ut apud Deo propitiante temporibus Arelatensis Episcopus nostris vicibus fungatur, quoties judicaverit expedire ut profacienda consolatione communis Episcoporum debent congregari personæ, nullus inobediens ejus fori mandatis sit.* Sed observandum est legationem illam Arelatensi Episcopo fuisse concessam perente Childeberto Rege. Quippe extraordinaria res hujusmodi, quæ novitatem inducunt adversus Canones, obtinere non possunt in regno absque consensu re-

gio. *Sicut nos, inquit Vigilius ad Auxani scribens, pro tua pietatis affectu, & pro gloriosissimi filij nostri Regis Childeberti Christiana devotione mandatis, vices nostras libenter issima voluntate continuimus.* Post obitum Auxani, idem Pontifex vicariatum suum Aureliano ejus successor tribuit, sed id factum in gratiam Regis Childeberti, qui ita fieri optaverat: *Administrationem vicum nostrarum, inquit, fraternitati vestre animo libenti committimus;* --- quando & summi sacerdotij consortio vos dignos divina esse gratia judicavit, & gloriosissimi Childeberti Francorum Regis Christiana & Deo placita in perhibendo vobis testimonio voluntas accedit. Inde factum ut Iustinianus in rescripto ad Quintam Synodum Oecumenicam misso, loquens de hoc Aureliano, dicat eum fuisse Episcopum Arelati, que est prima sanctissimarum Gallie Ecclesiarum, quod den repetitum est in Collatione septima.

VIII. Vicariatum quoque suum Sapundo Arelatensi tribuit Pelagius primus, cuius tamen auctoritatem ad duo quædam capita coercere videtur. Primum quidem, ut primum ubique locum obtineat inter Episcopos, tanquam Legatus, & quadam velut prefectura fungatur in clero, ei tamen apertere non tribuens ius convocandorum Conciliorum: *Vt sedis nostra Vicarius constitutus, ad instar nostrum in Galliarum partibus primi Sacerdotis locum oblineas.* Alterum est; *Vt singulæ personæ ecclesiastice Galliarum finibus excedentes, formatas epistolas à Sapundo accipient.* Ad Regem autem Childebertum scribens, ait se precibus ejus dedisse hanc legationem, secundum petitionem vestram, inquit. Sed magni momenti est clausula quæ sequitur, quæ ostendit dignitatem illam parum gloriae attulisse prædecessoribus Sapundi. Petit enim à Rege ut quoniam ipse optaverat ejus Episcopi dignitatem hoc honore amplificari, non patiatur eum contemni ab Episcopis Gallicanis aut ab aliis personis ecclesiasticis: *Ne quem per vices nostras aperi postulaatis, in aliqua parte cuique Gallicorum Sacerdotum vel cuiuslibet ecclesiastici ordinis persona, quod non oportet, contemptibilis habeatur.*

Verba illa indicant Episcopos Arelatenses, tametsi legationis apostolicae sedis munere fungerentur, non admodum habitos in honore. Certè nullum regni generale Concilium reperitur ab iis convocatum fuisse, prohibentibus nimis Regibus ac reliquis Metropolitanis. Quietiam nulli eorum Conciliorum unquam praefuere. Contra, Aurelianus Arelatensis post Sacerdotem Episcopum Lugdunensem subscriptis Con-

*Epist. Vigiliij ad
Aurelianum Episc.
Arelat.*

*Rescriptum illud
exstat in Collat. 1.
Quinta Synodi.*

*Pelag. ep. 6. ad
Sapaudum,*

*Vide supra lib. 1.
cap. 18. §. 3.
& seqq.*

cilio quinto Aurelianensi anno quingentesimo quadragesimo nono. Quò fortassis alludit Pelagius, dum Childebertum orat ne patiatur Sapaudum sedis apostolicæ Vicarium contemni, ut acciderat prædecessori ejus Aureliano. Ceterū ad corrigenda peccata illa Sapaudus, tametsi recenter ordinatus, præfuit Concilio Parisiensi anno DLV. subscriptisque ante Metropolitanos Vienensem, Biturigensem, Burdegalem, atque etiam Senonensem, quamvis synodus haberetur in provincia Senonensi.

I X. Anno D C V. Gregorius magnus dignitatem Vicarij continuavit in Virgilio Episcopo Arelatensi, juxta petitionem Regis Childeberti; concessa prorsus illa amplitudine potestatis quam Vigilius repererat, convocandi nimirum Concilia, in quibus controversiae ecclesiasticae terminarentur. Quod si causa fidei illic ageretur, aut negotia incidenter quae dubia essent, aut ejus momenti ut in provinciis decidi nequeant, jubet ut ad sedem apostolicam referatur. Præterea illi hoc tribuit ut persona ecclesiastica, qua extra Gallias proficiisci volent, teneantur ab eo accipere literas communicatorias. Attramen facile est agnoscere integrum convocandorum Conciliorum auctoritatem non fuisse penes Virgilium; quandoquidem ei sanctus Gregorius tres alios Episcopos adjunxit, ut supradictum est, & à Regibus postulavit ut synodus intra Gallias haberi juberent. Nihil igitur Virgilio supererat prater honorem & amplitudinem Vicarij & quandam velut generalem præfecturam in Ecclesia Gallicana, de cuius negotiis referebat ad Summum Pontificem, quo cum particularem communicationem habebat.

CAPVT X X.

Synopsis.

I. Discrimen synodorum generalium Dioecesum Orientis & Gallicanarum.

II. Inquiritur in originem synodorum nationalium. Cardinalis Perronus notatus. Theodosius Imperator relations synodicas Illyrici, in rebus dubiis, tribuit Episcopo Constantinopolitano, quod curuit effectu.

III. Photij expositio refutatur, qui omnes questiones canonicas tribus punit Episcopo Constantino-politano.

IV. De synodis generalibus Africa. Nicana Synodus explicata. Dionysius Exiguus emendatus.

V. In Concilio universalis Africa tractabatur de causis communibus. Cetera provincialibus synodis relinquebantur discussienda. Que sunt causa communes.

V. Varians canones Africani quondam causas

Presbyterorum. Conciliantur canones.

VII. A Concilio universalibus Africe non licebat appellare ad transmarina iudicia, neque etiam a provincialibus.

I. **V**E RUM ut perfectè intelligere possumus quānam esset auctoritas Conciliorum generalium Diceceos Gallicanæ, non inherendum est omnino canonii secundum Concilij Constantinopolitanij, qui synodus quinque Diceceon Orientis supremam auctoritatem tribuit decernendi de omni re quæ ad disciplinam ecclesiasticam pertinet. Nam duæ synodi, Ægyptiaca nimurum, & Antiochenæ, patriarchales erant; reliqua verò tres, Pontica, Asiana, & Thracica, quæ suis quæque Exarchis parebant, attributa sunt iurisdictioni Episcopi CP. ad constitendum Concilium patriarchatus CP. juxta canonem **xxviii.** Concilij Chalcedonensis. Itaque cùm illæ synodi Diceceon suo quæque Patriarchæ subessent, eorum auctoritas suprema prorsùs esse debuit, neque fieri poterat ut ab alia quam iurisdictione penderent. Concilia autem patriarchalia semel in anno habenda esse fanciverrat Justinianus; eoque accedere Metropolitani tenebantur loco & die quem Patriarcha constituisset, judicaturi in eis questiones ad fidem vel ad disciplinam spectantes, sive in prima cognitione adversus Meropolitanos, aut etiam ob appellationes à sententiis Episcoporum. At synodorum Gallicanarum tanta esse auctoritas non potuit, cùm patriarchales non essent. Quinimò cùm Galliae essent in Occidente, auctoritatem sedis apostolicae colebant, ad cámque necessariò respicere tenebantur. Sed eo temperamento res gerebantur ut reverentia illa nihil detraheret de supremâ Conciliorum potestate in quibusdam capitibus; quemadmodum celebratio Conciliorum universali regni nihil adimebat de iuribus synodorum provincialium.

I. Vtraque harum propositionum plurimum difficultatis habere videtur. Et tamen utraque verissima est. Nam materie difficiles, quæque, cum maximi momenti essent, in synodis provincialibus definiri nequibant, deliberabantur finiebanturque in synodo uniuscujusque Diœceseos. Ius au-

onorus
Philip-
enralis,